

摘藻堂四庫全書薈要

經部

欽定四庫全書薈要

經部

儀禮鄭註句讀卷一至

臣紀昀詳校

詳校官編修臣程嘉謨



欽定四庫全書薈要

儀禮鄭註句讀目錄

卷一

士冠禮第一

卷二

士昏禮第二

卷三

士相見禮第三



卷四

鄉飲酒禮第四

卷五

鄉射禮第五

卷六

燕禮第六

卷七

大射儀第七

卷八

聘禮第八

卷九

公食大夫禮第九

卷十

覲禮第十

卷十一

喪服第十一

卷十二

士喪禮第十二

卷十三

既夕第十三

卷十四

士虞禮第十四

卷十五

特牲饋食第十五

卷十六

少牢饋食第十六

卷十七

有司徹第十七

儀禮監本正誤

儀禮唐石經正誤

並附

臣等謹案儀禮鄭注句讀十七卷

國朝張爾岐撰是書全錄鄭康成注摘取賈公

彥疏而畧以已意斷之因其文古奧難通故併

為之句讀宋馬廷鸞稱其家有景德中官本儀

禮正經注語皆標起止而疏文列其下因以監

本附益之手自點校并取朱子禮書與其門

人高第黃氏楊氏續補成編分章條析題要

其上今廷鸞之書不傳爾岐是編體例畧與

相近所校除監本外則有唐開成石刻本元

吳澄本及陸德明音義朱子與黃榦所次經



傳通解諸家其謬悞脫落衍羨顛倒經注混

淆之處皆參考得實又陝西王堯典所刻石

經補字最為舛錯亦一一駁正蓋儀禮一經

自韓愈已苦難讀故習者愈少傳刻之訛愈

甚爾岐茲作於學者可謂有功矣顧炎武與

汪琬書極推重之至手錄其本以去良有以

也爾岐蒿菴集中有自序一篇稱尚有吳氏

儀禮攷註訂誤一卷今不在此編中云乾隆

四十一年六月恭校上

總纂官臣紀昀臣陸錫熊臣孫士毅

總校官臣陸費墀

儀禮鄭註句讀原序

在昔周公制禮用致太平據當時施於朝廷鄉國者勒  
為典籍與天下共守之其大體為周官其詳節備文則  
為儀禮周德既衰列國異政典籍散亡獨魯號秉禮遺  
文尚在孔子以大聖生乎其地得其書而學焉與門弟  
子修其儀定其文無所失墜子思曰仲尼祖述堯舜憲  
章文武孔子亦自謂曰吾學周禮今用之吾從周文王  
既沒文不在茲乎並謂此也秦氏任刑廢禮此書遂熄

漢初高堂生傳儀禮十七篇武帝時有李氏得周官五篇河間獻王以考工補冬官共成六篇奏之後復得古經五十六篇於魯淹中其中十七篇與高堂生所傳同餘三十九篇無師說後遂逸漢志所載傳禮者十三家其所發明皆周官及此十七篇之旨也十三家獨小戴大顯近代列於經以取士而二禮反日微蓋先儒於周官疑信各半而儀禮則苦其難讀故也夫疑周官者尚以新莽荆國為口實儀禮則周公之所定孔子之所述

當時聖君賢相士君子之所遵行可斷然不疑者而以  
難讀廢可乎愚三十許時以其周孔手澤慕而欲讀之  
讀莫能通旁無師友可以質問偶於衆中言及或阻且  
笑之聞有朱子經傳通解無從得其傳本坊刻考註解  
詁之類皆無所是正且多謬誤所守者唯鄭註賈疏而  
已註文古質而疏說又漫衍皆不易了讀不數繙輒罷  
去至庚戌歲愚年五十九矣勉讀六閱月乃克卒業焉  
於是取經與註章分之定其句讀疏則節錄其要取足

明註而止或偶有一得亦附於末以便省覽且欲公之同志俾世之讀是書者或少省心目之力不至如愚之屢讀屢止久而始通也因自嘆曰方愚之初讀之也遙望光氣以為非周孔莫能為已耳莫測其所言者何等也及其砢砢乎讀之讀已又默存而心歷之而後其俯仰揖遜之容如可睹也忠厚藹惻之情如將遇也周文郁郁其斯為郁郁矣君子彬彬其斯為彬彬矣雖不可施之行事時一神往焉彷彿戴弁垂紳從事乎其間忘

其身之喬野鄙僇無所肖似也使當時遇難而止止而  
竟止不幾於望辟雖之威儀而卻步不前者乎噫愚則  
幸矣願世之讀是書者勿徒憚其難也濟陽張爾岐





欽定四庫全書薈要卷二千四十六

經部

儀禮鄭註句讀卷一

濟陽張爾岐撰

士冠禮第一

鄭目錄云童子任職居士位年二十而冠主人玄冠朝服則是仕於諸侯天子

之士朝服皮弁素積古者四民世事士之子恒為士冠禮於五禮屬嘉禮大小戴及別錄此皆第一 賈

公彥序云周禮儀禮並是周公攝政太平之書疏云周禮是統心儀禮是踐履外內相因首尾是一又云儀禮亦名曲禮言儀者見行事有威儀言曲者見行事有曲折士冠禮是童子任職為士年及二十其父兄為加冠之禮鄭引齊語以證冠者與其父兄之皆士也其云仕於諸侯明非天子之士實則天子之士

亦同此禮惟主人冠服有異疏又云天子諸侯同十  
二而冠自有天子諸侯冠禮但儀禮之內亡耳士既  
三加為大夫早冠者亦依士禮三加若天子諸侯則  
多故大戴禮公冠篇云公冠四加緇布皮弁爵弁後  
加玄冕天子亦四加後當加衮冕矣天子之子亦用  
士禮而冠按家語冠頌云王太子之冠擬冠則天子  
元子亦擬諸侯四加若諸侯之子不得四加與士同  
三加可知陳氏祥道云玉藻曰玄冠朱組纓天子之  
冠也緇布冠纁緌諸侯之冠也鄭氏曰皆始冠之冠  
考之於禮始冠緇布冠自諸侯下達所以異於大夫  
士者纁緌耳天子始冠則不以緇布而以玄冠若然  
則諸侯始加緇布冠纁緌次加皮弁三加爵弁四加  
玄冕天子則始加玄冠朱組纓次加皮弁三加爵弁  
四加玄冕五加衮冕矣疏又云冠禮於五禮屬嘉禮  
者據周禮大宗伯所掌五禮吉凶軍賓嘉而言宗伯  
以嘉禮親萬民下云以昏冠之禮親成男女是冠禮

屬嘉禮也鄭又云大小戴及別錄此皆第一者戴德戴聖所錄與劉向所為別錄皆有此十七篇目惟別錄所載尊卑吉凶次第倫敘故鄭用之於二戴則皆不從也愚按篇目下語與經註同出康成必別之曰鄭目錄云者以其自為一篇疏者始分於各篇之首故殊異於註也又案註疏於篇目下繫儀禮鄭氏註五字疏云儀禮者一部之大名士冠者當篇之小號退大名在下者取配註之意也蓋鄭本以目錄別為一篇註文正從士冠禮筮于席門起故每篇以儀禮鄭氏註冠之謂之配註誠是也疏既散目錄於每篇之首乃以儀禮之名屈居其下雖曰存舊實未當理故寧從近本又唐石經有經無註亦書儀禮鄭氏註五字於篇目下皆前人之偶失也

士冠禮筮于席門

筮者以著問日吉凶於易也冠必筮日於席門者重以成人之禮成于孫

也。廟謂禰廟，不於堂者，嫌著之靈由廟神。將冠先筮，日次戒賓，至前期三日，又筮賓宿賓，前期一日，又為期。

告賓冠期，前事凡五節。

古亂反。筮，市例反。禰，乃禮反。

主人玄冠朝服，緇帶素鞶。

即位于門東西面。

主人將冠者之父兄也。玄冠，委貌也。朝服者，十五升布衣而素裳也。衣不

言色者，衣與冠同也。筮，必朝服尊著龜之道也。緇帶，黑

繒帶也。士帶博二寸，再繚四寸，屈垂三尺，素鞶，白韠。

也。長三尺，上廣一尺，下廣二尺，其頸五寸，肩革帶博二寸。天子與其臣玄冕以視朝，皮弁以日視朝。諸侯與其

臣皮弁以視朝。朝服以日視朝。凡染黑五入為緇，七入

為緇，玄則六入與。

主人欲筮日，先服此服，即位禰廟

門外，以待事。正行冠禮，服玄端爵鞶。此服朝服，故云尊

著龜朝服以朝。玄端，以夕是朝服，尊於玄端也。玄端與

朝服衣同而裳異。士帶博二寸，三句玉藻文，再繚四寸

再繞之，乃四寸也。朝直遙反。緇，側其反。鞶，音畢。蔽膝

也繒自陵反繒音了長直亮反  
廣古曠反弁皮彦反緇側留反  
有司如主人服即位于

西方東面北上

有司羣吏有事者謂主人之吏所自辟  
除府史以下也今時卒吏及假吏皆是

也羣吏與屬吏不同屬吏君命之士羣吏則  
府史胥徒也辟必亦反卒子忽反假古雅反  
筮與席

所卦者具饌于西塾

筮所以問吉凶謂著也所卦者所  
以畫地記爻易曰六畫而成卦饌

陳也具俱也西塾門外西堂也  
外各二筮不正當門中而在闕西西面故將筮而著與

席與畫地記爻之木俱陳于門外西  
堂也饌直轉反塾音孰爻户交反  
布席于門中闕西

闕外西面

闕門廩也闕閭也古文闕為塾闕為蹙  
布席將坐以筮也前具之西塾至此乃布之云

門中者以大分言之闕西闕外則布席處也註云今文  
古文者今文高堂生所傳古文魯恭王壞孔子宅所得

也鄭以今古字並較擇義勝者著于經其所不從者疊見於註或言古文某為某或言今文某為某 闌魚列

反闌音域繫其月反 筮人執筮抽上韝兼執之進受命

於主人

筮人有司主三易者也韝藏筮之器也今時藏弓矢者謂之韝九也兼并也進前也自西方而

前受命者當知所筮也 筮即著兼執之者兼上韝與下韝而并執之此時著尚在下韝待筮時乃取出以筮

三易連山歸藏周易也筮得一卦而三人各據一易以占也 筮初革反韝音獨

宰自右少退

贊命

宰有司主政教者也自由也贊佐也命告也佐筮主人告所以筮也少儀曰贊幣自左詔辭自右 筮

人許諾右還即席坐西面卦者在左

即就也東面受命右還北行就席卦

者有司主畫地識爻者也 士著三尺故坐筮大夫著五尺則立筮矣卦者在左亦西向 還音旋 卒筮

書卦執以示主人

卒已也書卦者筮人以方寫所得之卦也先畫地識爻至六爻畢卦體

成筮人更以方寫之以示主人方版也

主人受貶反之

反還也主人既知卦體還之筮人

令占筮人還東面旅占卒進告吉

旅衆也還與其屬共占之古文旅作臚

若不吉則筮遠日如初儀

遠日旬之外疏曰曲禮吉事先近日此冠禮是吉事故

先筮近日不吉乃更筮遠日是上旬不吉乃更筮中旬又不吉乃更筮下旬云如初儀者自筮於廟門已下至

告吉是也愚按少牢云若不吉則及遠日又筮日如初此大夫諏日而筮上旬不吉必待上旬乃更筮之其云

如初乃自筮于廟門已下至告吉也此士冠禮若筮上旬不吉即筮中旬不更待他日其云如初儀止從進受

命于丰人以下至告吉徹筮席徹去也

宗人告事畢宗人

有司主  
禮者也

### 右筮日

主人戒賓賓禮辭許

戒警也告也賓主人之僚友古者有吉事則樂與賢者歡成之有凶

事則欲與賢者哀戚之今將冠子故就告僚友使來禮辭一辭而許也再辭而許曰固辭三辭曰終辭不許也

主人筮日訖三日之前廣戒僚友使來觀禮戒賓者主人親至賓大門外賓西面主人東面戒之其戒辭對

辭並見後主人再拜賓答拜主人退賓拜送

退去也歸也

### 右戒賓

前期三日筮賓如求日之儀

前期三日空二日也筮賓筮其可使冠子者賢者恒



吉冠義曰古者冠禮筮日筮賓所以敬冠事敬冠事所以重禮重禮所以為國本前者戒賓汎及僚友此又於僚友中專筮一人使為加冠之賓也疏云命筮之辭蓋云主人某為適子某加冠筮某為賓庶幾從之若庶子則云庶子某愚意主人二字似未安亦言其銜位可耳

## 右筮賓

乃宿賓賓如主人服出門左西面再拜主人東面答拜宿進也宿者必先戒戒不必宿其不宿者為衆賓或悉來或否主人朝服既筮得吉遂進之使至冠日必來擯者傳辭入告賓賓如主人服出與相見乃宿賓賓許主人再拜賓答拜主人退賓拜送乃宿賓者親相見致其辭重言乃宿賓者上文言主人往行此禮此乃親致宿之

之辭也辭並見後

宿贊冠者一人亦如之

贊冠者佐賓為冠事者謂賓若他官之屬

中士若下士也宿之以筮賓之明日佐賓為冠事即下文坐櫛設纓卒紘諸事助賓成禮故取其屬降於賓

一等者

為之

右宿賓宿贊冠者

厥明夕為期于廟門之外主人立于門東兄弟在其南

少退西面北上有司皆如宿服立于西方東面北上

厥其

也宿服朝服宿賓之明夕冠前一

日之夕也為期猶言約期也擯者請期宰告曰質

明行事

擯者有司佐禮者在主人曰擯在客曰介質正也宰告曰旦日正明行冠事擯必勿反告

兄弟及有司

擯者告也

告事畢

宗人告也

擯者告期于賓之家

前

所戒賓皆告也

## 右為期

夙興設洗直于東榮南北以堂深水在洗東

夙早也興起也洗承

盥洗者棄水器也士用鐵榮屋翼也周制自卿大夫以下其室為夏屋水器尊卑皆用金壘及大小異至期

先陳設冠服器物主賓各就內外之位主人迎賓及贊冠者入乃行三加之禮加冠畢賓醴冠者冠者見于母

賓字冠者凡九節而冠禮成賓出矣盥手洗爵皆一人挹水沃之下有器承此澆水其器曰洗堂下設洗其東

西當屋東翼其南北則以堂為淺深以壘貯水在洗之東夏屋兩下為之故有東西翼天子諸侯則四阿釋文

曰凡度淺深曰陳服于房中西墉下東領北上

墉牆所陳之

服即下文爵弁服皮弁服玄端三服也房在堂上之東北上者爵弁服在北皮弁服次南玄端最南也冠時先

用卑服北上便也

爵弁服纁裳純衣緇帶韎韐

此與君祭之服雜記曰士弁而

祭於公爵弁者冕之次其色赤而微黑如爵頭然或謂之緇其布三十升纁裳淺絳裳凡染絳一入謂之緇再

入謂之纁三入謂之纁朱則四入與純衣絲衣也餘衣皆用布唯冕與爵弁服用絲耳先裳後衣者欲令下近

緇明衣與帶同色韎韐韐也士緇韐而幽衡合韋為之士染以茅蒐因以名焉今齊人名蒨為韎韐韐之制

似韎冠弁者不與衣陳而言於上以冠名服耳今文纁皆作熏此士助祭於公之服服之尊者云爵弁者冕

之次者謂諸冕之下即次數爵弁亦言其尊也疏云凡冕以木為體長尺六寸廣八寸績麻三十升布上以玄

下以纁前後有旒其爵弁制大同唯無旒又為爵色為異又名冕者俛也低前一寸二分故得冕稱其爵弁則前後平故不得冕名其尊卑次於冕故云冕之次也又云陳服則於房縹布冠皮爵弁在堂下是冠弁不與服同陳今以弁在服上並言之者以冠弁表明其服耳不謂同陳之也愚按此服第三加所服也 纁許云反韎

音妹韎音閣縹七絹反縹丑貞反縹音溫韎音弗縹七見反

皮弁服素積緇帶素韍

此與君視朔之服也皮弁者以白鹿皮為冠象上古也積猶辟也以素為裳辟蹙其要中皮弁之衣用布亦十五升其色象焉 此視朔時君臣同服之服卑於爵弁陳之在爵弁南第二加所服言裳不言衣者用白布衣與冠同色故不言 玄端玄裳黃裳雜裳可也緇帶爵韍衣也 要一遙反

此莫夕於朝之服玄端即朝服之衣易其裳耳上士玄裳中士黃裳下士雜裳雜裳者前玄後黃易曰夫玄黃

者天地之雜也天玄而地黃士皆爵韋為韠其爵同不以玄冠名服者是為緇布冠陳之玉藻曰韠君朱大夫素士爵韋此士向暮之時夕君之服服之下陳皮弁服南初加緇布冠所服也玄端與朝服同用緇色十五升布正幅為之但朝服素韠韠裳同色此用三等裳爵韠故異其名也又此服平時皆著玄冠服之當以玄冠名其服今不言者以加緇布冠缺項青組纓屬于缺緇冠時以配緇布冠故也

纓廣終幅長六尺皮弁弁爵弁弁緇組紘纁邊同篋

缺讀

如有頰者弁之頰緇布冠無弁者著頰圍髮際結項中隅為四綴以固冠也項中有紘亦由固頰為之耳今未冠弁者著卷頰頰象之所生也滕薛名齒為頰屬猶著纁今之幘梁也終充也纁一幅長六尺足以韜髮而結之矣弁今之簪有弁者屈組為紘垂為飾無弁者纓而結其條纁邊組側赤也同篋謂此以上凡六物隋方曰

篋 此所陳者飾冠之物非謂冠也缺項青組纓屬于  
缺共一物縹纓一物並縹布冠所用皮弁筭一物爵弁

筭一物縹纓皮弁爵弁各有一共二物凡六物同篋  
貯之待冠時隨各冠致用也註謂缺讀如有頰者弁之

頰按詩自以頰為弁之貌非弁上之物也陳氏祥道云  
鄭說缺項之制蓋有所傳讀缺為頰無所經見今註及

疏所言缺項之制蓋謂縹布冠制小纓足容髮又無筭  
故別為缺項圍繞髮際上有綴以連冠下有纓以結頤

下縹纓韜髮之帛加冠時先以纓韜髮結之乃加冠也  
其縹組紃則為二弁有筭者而設加弁以筭橫貫之以

一條組於筭左頭繫定達頤下自右向上仰屬於筭屈  
繫之有餘因垂為飾故註云有筭者屈組為紃也缺

依註音頰去聲反屬章玉反纓山綺反緇紀屈  
反卷去圓反齒古內反簪側金反隋他果反 櫛實于

篋 篋筭也 櫛理髮 蒲筵二在南 筵席也 一為冠子  
具也 櫛莊乙反 蒲筵二在南 一為醴子也在南在

三服之南通指缺項纚筭組櫛等不專言  
蒲筵疏云對下文側尊一甒醴在服北也側尊一甒醴

在服北有籩實勺解角柶脯醢南上

側猶特也無偶曰側置酒曰尊側者

無玄酒服北者纁裳北也籩竹器如簋者勺尊升所以  
斟酒也爵三升曰解柶狀如匕以角為之者欲滑也南

上者籩次尊籩豆次籩古文無作廡

字作虛字用甒音武勺上若反解之歧反柶音四醢

側尊單設也尊

音海簋力呈反  
九于反廡音武

爵弁皮弁緇布冠各一匱執以待于

西北南南面東上賓升則東面

爵弁者制如冕黑色但無纁耳周禮王之皮弁

會五采玉璫象邸玉笄諸侯及孤卿大夫之冕皮弁各  
以其等為之則士之皮弁又無玉象邸飾緇布冠今小  
吏冠其遺象也匱竹器名今之冠箱也執之者有司也  
站在堂角古文匱為簋站為檐有司三人各執一冠



豫在西階西以待冠事實未入南面序立賓升堂則東  
面向賓也 匿素管反縹音早璫音其篋素管反襜以

反占

### 右冠日陳設

主人玄端爵韠立于阼階下直東序西面

玄端士入廟之服也阼猶

酢也東階所以答酢賓客也堂東西牆謂之序按特牲祭服用玄端玄端是士自祭其先之服與上所陳為

子加緇布冠之玄端一服也但玄冠耳主人服此服立阼階下以待賓至其立處與堂上東牆相直阼才故

反酢才兄弟畢袵玄立于洗東西面北上

兄弟主人親戚也畢猶盡

也袵同也玄者玄衣玄裳也緇帶韠位在洗東退於主人不爵韠者降於主人也古文袵為均也袵訓同同

玄衣裳帶

擯者玄端負東塾

東塾門內東堂負之北面

謂別言玄端不言如主人服則與主人不同可知

將冠

者采衣紒在房中南面

采衣未冠者所服玉藻曰童子之節也緇布衣錦緣錦紳并紐

錦束髮皆朱錦也紒結髮古文紒為結紒音介字彙曰同結緣以絹反紐女九反

賓如主人服

贊者玄端從之立于外門之外

外門大門外

右主人與賓各就内外位

擯者告

告者出請入告

主人迎出門左西面再拜賓答拜

左東也出

以東為左入以東為右

主人揖贊者與賓揖先入

贊者賤揖之而已又與賓揖先

入道之贊者隨賓

每曲揖

周左宗廟入外門將東曲揖直廟將北曲又揖

疏云周左宗廟者祭義

與小宗伯俱有此文對殷右宗廟也言此欲見入大門東向入廟云入外門將東曲揖者主人在南賓在北俱向東是一曲故一揖也至廟南主人在東北面賓在西北面是一曲為二揖通下將入廟又揖三也至于

廟門揖入三揖至于階三讓

入門將右曲揖將北曲揖當碑揖

上文每曲揖據

入大門向廟時既入廟主人趨東階賓趨西階是主人將右欲背賓宜揖既當階主賓將北面趨階與賓相見又宜揖廟中測影麗牲之碑在堂下三分庭之一在北是庭中之大節至此又宜揖皆因變伸敬以道賓也

主人升立于序端西面賓西序東面

主人賓俱升立相鄉

鄉許亮反

贊者盥于洗西升立于房中西面南上

盥於洗西由賓階升也立于房

中近其事也南上尊於主人之贊者古文盟皆作浣  
贊者止一人云南上者與主人之贊者為序也 盟音

管浣戶  
管反

### 右迎賓及贊冠者入

主人之贊者筵于東序少北西面

主人之贊者其屬中士若下士筵布席也

東序主人位也適于冠於阼少北辟主人為將冠者布席也

將冠者出房南面

南面立於

房外之西待賓命

贊者奠纚笄櫛于筵南端

贊者賓之贊冠者也奠停也古文櫛

為節賓揖將冠者將冠者即筵坐贊者坐櫛設纚

即就設古

人坐法以康壽也兩蹠向後如今之跪經凡言坐皆然

賓降主人降賓辭主人對

主人降為賓將盥不敢安位也辭對之辭未聞賓盥卒壹揖壹讓升主人升復

初位

揖讓皆壹者降於初古文壹皆作一復初位東序端也

賓筵前坐正纁興降

西階一等執冠者升一等東面授賓

正纁者將加冠宜親之興起也降下

也下一等升一等則中等相授冠緇布冠也疏云按匠人天子之堂九尺賈馬以為傍九等為階則諸侯堂宜七尺則七等階大夫堂宜五尺則五等階士宜三尺則三等階故鄭以中等解之也賓右手執

項左手執前進容乃祝坐如初乃冠興復位贊者卒

進容

者行翔而前鴈焉至則立祝坐如初坐筵前興起也復位西序東面卒謂設缺項結纓也項冠之後也非缺

項

鴈

冠者興賓揖之適房服玄端爵韠出房南面

復出

七良反

房南面者一加禮  
成觀衆以容體

### 右初加

賓揖之即筵坐櫛設筭賓盥正纓如初降二等受皮弁

右執項左執前進祝加之如初復位贊者卒紘

如初為不見者

言也卒紘謂繫屬之

即筵坐櫛者當再加皮弁必脫

去緇布冠更櫛也方櫛訖即云設筭疏以為此紘內安

髮之筭非固冠之筭其固冠之筭

與賓揖之適房服素

則加冠時賓自設之屬音燭

積素韞容出房南面

容者再加彌成其儀益繁

容者整其威儀容觀也方加緇布冠時

其出亦有容至此  
益盛乃言之耳

右再加

賓降三等受爵弁加之服纁裳韎韐其他如加皮弁之

儀

降三等下至地他謂卒絃容出

右三加

徹皮弁冠櫛筵入于房

徹者贊冠者主人之贊者為之將醴冠者故徹去此等冠緇

布冠也冠者著爵弁以受醴至見姑姊訖乃易服

筵于戶西南面

筵主人之贊者戶西室戶

西 廟制近北一架西為室東為房室戶之西客位也

贊者洗于房中側酌醴加

杞覆之面葉

洗盥而洗爵者昏禮曰房中之洗在北堂直室東隅篚在洗東北面盥側酌者言無

為之薦者面前也。葉枲大端贊酌者賓尊不入房。古文葉為搗。註引昏禮證房中別有洗非在庭之洗也。側

酌者贊者自酌還自薦也。枲類今茶匙。葉即匙頭。贊者前其葉以授賓者欲賓得前其柄以授冠者冠者得之。乃前其葉以扱醴而祭也。枲用時仰之贊者不自用故覆之以授也。賓揖冠者就筵筵西

南面賓受醴于戶東加枲面枋筵前北面

戶東室戶東今文枋為柄

酌醴者出房向西授賓賓至室戶東受之筵前北面致祝當在此時祝辭見後枋彼命反

冠者筵

西拜受解賓東面答拜

筵西序之位東面者明成人與為西序之位

禮異於答主人

冠者拜訖進受解賓既授解乃復西序之位答之賓答主人拜當西階北面此西序東面故

註云異於答主人

薦脯醢

贊冠者也

冠者即筵坐左執解右祭脯醢



以柶祭醴三興筵末坐啐醴捷柶興降筵坐奠解拜執

觶興賓答拜

捷柶反柶於醴中其拜皆如初古文啐為呼三祭疏以為一如昏禮始扱一祭又

扱再祭也啐七內反捷初洽反扱音插

### 右賓醴冠者

冠者奠觶于薦東降筵北面坐取脯降自西階適東壁

北面見于母

薦東薦左凡奠爵將舉者於右不舉者於左適東壁者出闥門也時母在闥門之外

婦人入廟由闥門

母拜受子拜送母又拜

婦人於丈夫雖其子猶俠拜俠古洽反

### 右冠者見于母

賓降直西序東面主人降復初位

初位初至階讓升之位

冠者立

于西階東南面賓字之冠者對

對應也其辭未聞辭見後疏云未字先見

字

母字訖乃見兄弟之等急於母緩於兄弟也

### 右賓字冠者

賓出主人送于廟門外

不出外門將醴之既成賓出就次以後諸事冠者

此下冠禮

見兄弟見贊者見姑姊為一節易服見君見鄉大夫先生為一節主人醴賓又一節凡三節

請醴賓

賓禮辭許賓就次

此醴當作禮次門外更衣處也以帷幕簾席為之

冠者見於

兄弟兄弟再拜冠者答拜見贊者西面拜亦如之

見贊者西

面拜則見兄弟東入見姑姊如見母入入寢門也寢門外如見母者

亦北面姑與姊亦俠拜也不見妹妹卑疏云不見父與賓者蓋冠畢則已見也不言者從可知也

右冠者見兄弟贊者姑姊

乃易服服玄冠玄端爵韠奠摯見於君遂以摯見於鄉

大夫鄉先生

易服不朝服者非朝事也摯雉也鄉先生鄉中老人為卿大夫致仕者見君見鄉

大夫先生非必是日因見兄弟等類言之耳

右冠者見君與鄉大夫先生

乃醴賓以壹獻之禮

壹獻者主人獻賓而已即燕無亞獻者獻酢酬賓主人各兩爵而禮

成特牲少牢饋食之禮獻尸此其類也士禮一獻卿大夫三獻賓醴不用柶者沛其醴內則曰飲重醴清糟凡醴事質者用糟文者用清註引內則者明醴有清有糟前醴子用糟此醴賓其清者也沛子禮反主

人酬賓束帛儷皮

飲賓客而從之以財貨曰酬所以申暢厚意也束帛十端也儷皮兩鹿皮

也古文儷為離玉將幣士束帛儷皮獻數多少不同其酬幣唯於奠酬

之節一行之儷贊者皆與贊冠者為介贊者衆賓也皆與亦飲酒

音麗飲於鵠反

贊者皆與贊冠者為介

贊者衆賓也皆與亦飲酒

為衆賓介賓之輔以贊為之尊之飲酒之禮賢者為賓其次為介與音預

## 右醴賓

賓出主人送于外門外再拜歸賓俎

一獻之禮有薦有俎其牲未聞使人

歸諸賓  
家也

# 右送賓歸俎

以上士冠禮正經頗疑數事冠於廟重成人也未冠不以告既冠不以見何也見于母而不見於父見贊者而不見賓疏以為冠畢已見似矣然醴畢即見於母儀節相承則見父見賓當於何時豈在酌醴定祥之前與又言歸俎而不言載俎其牲未聞註已陳之要皆文不具也

若不醴則醢用酒

若不醴謂國有舊俗可行聖人用焉不改者也曲禮曰君子行禮不求變

俗祭祀之禮居喪之服哭泣之位皆如其國之故謹修其法而審行之是也酌而無酬酢曰醢醢亦當為禮疏曰自此以上說周禮冠子之法自此以下至取籩脯以降如初說夏殷冠子之法愚按醢醢二法其異者醢

側尊在房醺兩尊于房戶之間醴用解醺用爵醴篚從尊在房醺篚從洗在庭醴待三加畢乃一舉醺每一加即一醺醴薦用脯醢醢每醺皆用脯醢至三醺又有乾肉折俎醴贊冠者酌授賓賓不親酌醢則賓自降取爵升酌酒醴者每加入房易服出房立待賓命醢則每醢訖立筵西待賓命醴者每加冠必祝醴時又有醴辭醢者加冠時不祝至醢時有醢辭其尊于房戶之間兩甒餘儀節並不異也 醢子召反

有禁玄酒在西加勺南枋

房戶間者房西室戶東也禁承尊之器也名之為禁者因

為酒戒也玄酒新水也雖今不用猶設之不忘古也 兩甒一酒尊一玄酒尊也

洗有篚在西

南順

洗庭洗當東榮南北以堂深篚亦以盛勺解陳於洗西南順北為上也 盛音成

始加醢

用脯醢賓降取爵于篚辭降如初卒洗升酌

始加者言一加一醢

也加冠於東序醺之於戶西同耳始醺亦薦脯醢賓降者爵在庭酒在堂將自酌也辭降如初如將冠時降盥辭主人降也凡冠者拜受賓答拜如初贊者筵于戶西賓升揖冠者就

筵乃酌冠者南面拜受賓授爵東面答拜如醴禮也於賓答拜贊者則亦薦之賓亦筵前北面釋醢辭訖冠

者乃南面拜受冠者升筵坐左執爵右祭脯醢祭酒興筵末坐

啐酒降筵拜賓答拜冠者奠爵于薦東立于筵西冠者立俟

賓命賓揖之則就東序之筵降筵奠爵而後拜執爵興賓乃答拜拜訖冠者乃奠爵薦東其節亦當與醴同

註云就東序之筵徹薦爵筵尊不徹徹薦與爵者辟後謂當更加皮弁也

加可相因由便也加皮弁如初儀再醺攝酒其他皆如初攝猶整也

整酒謂撓之今文攝為聶撓謂更益整頓之示新也

加爵弁如初儀三醺有乾

肉折俎齊之其他如初北面取脯見于母

乾肉牲體之脯也折其體

以為俎齊嘗之

周禮腊人鄭註云大物解肆乾之謂

之乾肉薄析曰脯捶之而施薑桂曰醢脩乾肉與脯脩

別言蓋豚解而七體以乾之及將升于俎則節折為二十一體與燕禮同故名乾肉折俎齊之亦祭而後齊也

再醢言攝酒此三醢當亦攝酒下文卒醢取籩脯以降此取脯當亦取籩脯皆不言者互文見義也折之設

反齊才計

若殺則特豚載合升離肺實于鼎設局鼐

特豚

反醢音鍛

一豚也凡牲皆用左胖煮於鑊曰亨在鼎曰升在俎曰載載合升者明亨與載皆合左右胖離割也割肺者使可祭也可齊也今文局為鉉古文鼐為密上醢子用乾肉不殺牲此下言其殺牲者又醢法之不同者也按



特牲少牢及鄉飲酒皆用右脾此合升左右脾或以嘉禮故異之與註云凡牲皆用左脾疏以為鄭據夏殷之

法未知然否局昇鼎鼐覆鼎者也

局古螢

反鼐亡歷反脾普半反鑊戶郭反亨普庚反始醺如初

亦薦脯醢徹薦

再醺兩豆葵道羸醢兩籩栗脯

羸醢蟬今

爵筵尊不徹矣

文羸為蝸

音移

蟬音俞

蝸力禾反蟬

三醺攝酒如再醺加俎齊之

皆如初齊肺

攝酒如再醺則再醺亦攝之矣加俎齊之齊當為祭字之誤也祭俎如初如祭脯醢

加俎者不徹豆籩而加設此牲俎也其祭亦止祭俎肺不復祭脯醢鄭破齊之為祭之者以先祭後齊此是

定法又不宜有二齊其所齊者也

卒醺取籩脯以降如初

見于母謂亦

# 右夏殷冠子之法

若孤子則父兄戒宿

父兄諸父諸兄加冠之法戒宿

士之無父者

冠

之日主人紒而迎賓拜揖讓立于序端皆如冠主禮於

阼

冠主冠者親父若宗兄也古文紒為結今文禮作醴有父加冠則將冠者紒而俟于房中孤子則紒而

迎賓拜揖讓立皆如為子加冠之主人有父加冠則醴于室戶西孤子則醴于阼此其異也

凡拜北

面于阼階上賓亦北面于西階上答拜

父在加冠受醴戶西拜于筵

西南面賓答拜于序端東面此則與賓各專階北面也

若殺則舉鼎陳于門外直

東塾北面

孤子得申禮盛之父在有鼎不陳于門外

右孤子冠法

若庶子則冠于房外南面遂醺焉

房外謂尊東也不於阼階非代也不醺於

客位成而不尊

適子則冠于東序少北西面或醴或

醺皆于戶西疏云周公作經於三代之下言之則三代

庶子冠禮皆於房外同用醺矣又云周之庶子

宜依適子一醴用一醺夏殷庶子亦依三醺

### 右庶子冠法

冠者母不在則使人受脯于西階下

母不在謂有他故非沒也使人受

脯當於

後見之

### 右見母權法

戒賓曰某有子某將加布於其首願吾子之教之也

吾子

相親之辭吾我也子男子之美稱古文某為謀

此下

列言冠禮中戒宿祝醺醴字之辭疏云上某主人名下

賓對曰某不

某子之名加布初加緇布冠也云願吾子

之教之也者即此加冠行禮為教之也

敏恐不能共事以病吾子敢辭

病猶辱為秉

也古文病共音恭

主人

曰某猶願吾子之終教之也賓對曰吾子重有命某敢

不從

敢不從許之辭重直用反

宿曰某將加布於某之首吾子將

蒞之敢宿賓對曰某敢不夙興

蒞臨也今文無對

右戒賓宿賓之辭

始加祝曰令月吉日始加元服

令吉皆善也元首也

棄爾幼志順

爾成德壽考惟祺介爾景福

爾女也既冠為成德祺祥也介景皆大也因冠而戒

且勸之女如是則有壽考之祥大女之大福也幼志幼年戲弄之志也棄禁絕之也順成德安養其成人之

德也冠義云既冠將責以父子君臣長幼之禮即所謂成德也祝以有是德即有是福是勸之也服蒲北反福

筆勒反再加曰吉月令辰乃申爾服辰子丑也申重也敬爾威

儀淑慎爾德眉壽萬年永受胡福胡猶遐也遠也遠無窮古文眉作彙敬

爾威儀正其外也淑慎爾德謹其內也內外夾持順成德者當如是三加曰以歲之正以

月之令咸加爾服正猶善也咸皆也皆加女之兄弟具三服謂緇布冠皮弁爵弁也

在以成厥德黃者無疆受天之慶黃黃髮也耆凍黎也皆壽徵也疆竟兄

弟具在以成厥德言成此冠禮是成其德也首三句為一聯服叶德慶叶疆音羌正令二句又自相叶

苟竟音敬

又音景

### 右加冠祝辭

醴辭曰甘醴惟厚嘉薦令芳

嘉善也善薦謂脯醢芳香也

拜受祭之

以定爾祥承天之休壽考不忘

不忘長有令名定祥承休與易凝命之吉相

類天人之理微見於此

### 右醴辭

醢辭曰旨酒既清嘉薦亶時

亶誠也古文亶為痺丁但反

始加元

服兄弟具來孝友時格永乃保之

善父母為孝善兄弟為友時是也格至也

永長也保安也行此乃能保之今文格為嘏凡醺者不祝孝友時格孝友極其至也教以盡孝友之道乃可長保之也註凡醺者不祝謂用酒以醺者每加冠畢但用醺辭醺之其方加冠時不用祝辭也詳醺辭始加元服等句與祝辭相類兼用之則複矣疏以為醺庶子不用祝辭錯會註意來力之反與時之叶

再醺曰旨酒既清嘉薦伊脯

清清也伊惟也

乃申爾服禮儀有

序祭此嘉爵承天之祜

祜福也

三醺曰旨酒令芳籩豆有

楚

旨美也楚陳列之貌醺之籩豆不增改之故

疏云用再

咸加爾服肴升折

俎

肴升折俎亦謂豚折俎與殺牲體皆謂

乾肉

承天之慶受福無疆

兩句亦

右醺辭

字辭曰禮儀既備令月吉日昭告爾字爰字孔嘉

昭明也爰

於也孔甚也

髦士攸宜宜之于假

髦俊也攸所也于猶為也假大也宜之是為大矣

此孔嘉之字實髦士之所宜且宜之而至於大也

永受保之曰伯某甫仲叔季

唯其所當

伯仲叔季長幼之稱甫是丈夫之美稱孔子為尼甫周大夫有家甫宋大夫有孔甫是其

類甫字或作父

此辭賓直西序東面與子為字時命

之也據釋文備與日叶為一韻字音滋嘉叶居之反為

一韻假叶音古與甫為一韻顧炎武云備與字一韻嘉

與宜一韻假與甫一韻古人文字錯綜不必二句一韻



也 甫  
音父

# 右字辭

屨夏用葛玄端黑屨青絢纁純純博寸

屨者順裳色玄端黑屨以玄裳

為正也絢之言拘也以為行戒狀如刀衣鼻在屨頭纁縫中紉也純緣也三者皆青博廣也此下言三服之

屨不與上服同陳者屨賤故別言之夏葛屨冬皮屨春秋熟則從夏寒則從冬此玄端黑屨初加時所用註云

以玄裳為正者玄端兼有黃裳雜裳屨獨用黑與玄同色故云以玄裳為正也絢在屨頭纁其牙底相接縫中

之條純謂繞口緣邊三者皆青色也絢其素積白屨

于反纁於力反純章允反縫扶用反紉音旬

以魁柎之緇絢纁純純博寸

魁蜃蛤柎注也此皮弁服之屨再加時所用以魁

蛤之灰注於上使色白也魁苦爵弁纁屨黑絢纁純  
回反柎方夫反屨上悉反蛤音閣

純博寸

爵弁屨以黑為飾爵弁尊其屨飾以纁次此  
三加所用之屨疏云爵弁尊其屨飾以纁次者

按冬官畫纁之事云青與白相次亦與黑相次玄與黃  
相次纁以為衣青與赤謂之文赤與白謂之章白與黑  
謂之黼黑與青謂之黻纁以為裳是對方為纁次比方  
為纁次又鄭註屨人云複下曰舄禪下曰屨凡舄之飾  
如纁之次凡屨之飾如纁之次上文黑屨青飾白屨黑  
飾皆纁之次此爵弁纁屨而黑飾不取比方之色而以  
對方黑色為飾是用纁次與舄同故云爵弁尊也朱子  
曰三屨經不言所陳處疑在房中既冠而適房改服弁  
得易屨也  
冬皮屨可也不屨總屨總屨喪屨也縷不  
績戶內反灰治曰總  
言此者欲見大功未可以冠子  
故於屨末因禁之也總音歲

# 右三服之屨

記冠義

周公作經後賢復為作記疏云凡言記者皆是記經不備兼記經外遠古之言按喪服記子

夏為之作傳記當在子夏前愚謂此記已有孔子曰當在孔子後不知定誰所錄冠義又記中小目餘篇不復言某義者或欲舉一例餘也又戴記亦有冠義又後儒所為故與此異也

始冠緇布之冠也太古冠布齊則緇之其綏也孔子曰

吾未之聞也冠而敝之可也

太古唐虞以上綏纓飾未之聞太古質無飾重古始

冠冠其齊冠白布冠今之喪冠是也記者以經有緇布冠皮弁爵弁玄冠四等之冠各記其所從來與古今因革之異此節記緇布冠為太古齊冠本無綏又始冠加之以存古意加後不復更著也

適子冠於阼以著代也醺於客位加有成也三加彌尊

諭其志也冠而字之敬其名也

名者質所受於父母冠成人益文故敬之著

代明其將代已也加有成加禮於有成德者也諭其志教諭之使其志存修德每進而上也敬其名敬其所受於父母之名非君父之前不以呼也此皆冠義之大者故記者釋之

委貌周道也章甫殷道也毋追夏后氏之道也

或謂委貌為玄

冠委猶安也言所以安正容貌章明也殷質言以表明丈夫也甫或為父今文為斧毋發聲也追猶堆也夏后氏質以其形名之三冠皆所常服以行道也其制之異同未之聞此因冠者冠畢易服玄冠故記之道猶制也言三代冠制

周弁殷冔夏收

弁名出於槃槃大也言所以自光大也冔名出

於幬幬覆也言所以自覆飾也收言所以收斂髮也齊  
所服而祭也其制之異未聞此因三加爵弁而記其

制之相等者殷則尋夏則收也  
尋况甫反槃畔于反幬火吳反

三王共皮弁素積

質不

變言三代再加所同用也疑委貌以下節當  
在適子節之前與首節皆言冠制當以類從

無大夫

冠禮而有其昏禮古者五十而后爵何大夫冠禮之有

據時有未冠而命為大夫者周之初禮年未五十而有  
賢才者試以大夫之事猶服士服行士禮二十而冠急  
成人也五十乃爵重官人也大夫或時改娶有昏禮是  
也自此至末皆明士冠禮可以上達之故此言大夫

無冠禮如有未冠而為大公侯之有冠禮也夏之末造

也造作也自夏初以上諸侯雖父死子繼年未滿五十  
者亦服士服行士禮五十乃命也至其衰末上下相

亂篡弑所由生故作公侯冠禮以正君臣也坊記曰君不與同姓同車與異姓同車不同服示民不嫌也以此坊民民猶得同姓以弑其君者此言不獨大夫無冠禮雖公侯冠禮亦夏末始作非古也據註訓造為作則未字當一讀近徐師曾解郊特牲云未造猶言未世則二字連讀制作義在未造之外讀者酌之天子

之元子猶士也天下無生而貴者也

元子世子也無生而貴皆由下升

天子之元子猶用士禮又不但公侯已也天下固無生而貴者也

繼世以立諸侯象賢

也象法也為子孫能法先祖之賢故使之繼世也諸侯繼世而立疑其生而貴矣實以其象賢乃立之天

子元子亦以象賢乃享天位均非以官爵人德之殺也生而貴者也故其冠皆用士禮也

殺猶衰也德大者爵以大官德小者爵以小官凡以官位爵人皆以德為等殺爵以待有德安得有生而貴

者死而謚今也古者生無爵死無謚今謂周衰記之時也古謂殷殷士生

不為爵死不為謚周制以士為爵死猶不為謚耳下大夫也今記之時士死則謚之非也謚之由魯莊公始也  
爵以德升故冠從乎賤用士禮古者生不以士為爵死不為之立謚士固賤者也

儀禮鄭註句讀卷一



欽定四庫全書薈要卷二千四十七

經部

儀禮鄭註句讀卷二

濟陽張爾岐撰

士昏禮第二

鄭目錄云士娶妻之禮以昏為期因而名焉必以昏者陽往而陰來日入三商

為昏昏禮於五禮屬嘉禮大小戴及別錄此皆第二商漏刻之名三商即三刻也

昏禮下達納採用鴈

達通達也將欲與彼合昏姻必先使媒氏下通其言女氏許之乃後

使人納其采擇之禮詩云取妻如之何匪媒不得昏必由媒交接設紹介皆所以養廉恥納采而用鴈為摯者取其順陰陽往來昏禮有六納采問名納吉納徵請期親迎是也請期以上五禮皆遣使者行之春秋莊公

二十二年穀梁傳曰納幣大夫之事主人筵于戶西西也公之親納幣非禮也采七在反

上右几

主人女父也筵為神布席也戶西者尊處將以先祖之遺體許人故受其禮於禰廟席西上右

設几神不統於人席有首尾女家將受納采之禮先設神坐乃受之西上席首在西也鄉射燕禮等設席皆東上以近主人為上是統於人今以神尊不統於人取地道尊右之義故席西上几在右也使者立

端至

使者夫家之屬若羣吏使往來者立端士莫夕之服又服以事其廟有司緇裳使所吏反莫音暮

擯者出請事入告

擯者有司佐禮者請猶問也禮不必事雖知猶問之重慎也前已有媒

氏通言今使者至門當知有昏事而猶問之是重慎也

主人如賓服迎于門外再

拜賓不答拜揖入

門外大門外不答拜者奉使不敢當其盛禮當亦如士冠禮主人迎賓

主人西面賓東面  
此時賓自執鴈  
至于廟門揖入三揖至于階三讓

入

揖者至內雷將曲揖  
既曲北面揖當碑揖  
主人以賓升西面賓升西階當阿

東面致命主人阼階上北面再拜

阿棟也入堂深示親  
今文阿為廡以

賓升與賓俱升也疏云凡士之廟五架為之中脊為棟  
棟北一楣下有室戶棟南一架為前楣前接簷為廡  
鄉飲酒聘禮皆云當楣無當阿者今使者當阿是至  
中脊下近室處故註云入堂深示親親廡君委反授

于楹間南面

授於楹間明為合好其節同也南面並授  
也授謂授鴈楹間兩楹之間凡授受敵

者於楹間不敵者不於楹間君行一臣行二是也今使  
者不敵而授於楹間明為合好故其遠近之節同也

賓降出主人降授老鴈

老羣吏之尊者  
賓降自西階出廟門將行後禮

主人降自阼階授老鴈立階下以待事

擯者出請

不必賓之事有無

賓執鴈請問

名主人許賓入授如初禮

問名者將歸卜其吉凶古文禮為醴

問名問女子之名

將加諸卜也如初禮者亦如納采升堂致命授鴈而出也按記主人受鴈還西面對賓受命乃降是主人既受鴈還復阼階之位西面以女名對賓賓乃降階出門也此一使無行二禮既采須卜其事相因故也擯者出請賓告事畢入告出請醴賓

此醴亦當為禮禮賓者欲厚之

賓禮辭

許禮辭

主人徹几改筵東上側尊甒醴于房中

徹几改筵者鄉

為神今為人側尊亦言無玄酒側尊於房中亦有籩有簋豆如冠禮之設

徹去其几後將授賓也改筵改西

上而東上也為人設則東上者統於主人也

主人迎賓于廟門外揖讓如初

升主人北面再拜賓西階上北面答拜主人拂几授校

拜送賓以几辟北面設于坐左之西階上答拜

拂拭也拭几者

尊賓新之也校几足辟逡遁古文校為技

疏云揖讓

如初升者如納采時三揖三讓也主人北面再拜者拜

賓至此堂飲之主人拂几者案有司徹主人西面左手

執几縮之以右袂推拂几三二手橫執几進授於尸前

凡敵者拂几皆若此卑於尊者則內拂之授校者凡授

几之法卑者以兩手執几兩端尊者則以兩手於几間

執之授設皆然又云受時或受其足或受於手間皆橫

受之及其設之皆旋几縱執乃設之于坐南北面陳之

位為神則右之為人則左之不坐設之者几輕故也愚

謂此經授校是執其中間授之以其足以使者是彼羣

吏亦不敵者也

校

贊者酌醴加角柶面葉出于房

贊佐

也佐主人酌事也贊者亦洗酌加角枲覆之如冠禮矣出房南面待主人迎受古文葉作搗主人受

醴面枋筵前西北面賓拜受醴復位主人阼階上拜送

主人西北面疑立待賓即筵也賓復位於西階上北面明相尊敬此筵不主為飲食起主人執醴筵前西北

面以待賓賓拜于西階上乃進筵前受醴受訖復西階北面之位主人乃於阼階上拜送此醴古人受爵送爵

相拜之法贊者薦脯醢進賓即筵坐左執觶祭脯醢以率如此

枲祭醴三西階上北面坐啐醴建枲興坐奠觶遂拜主

人答拜

即就也左執觶則祭以右手也凡祭於脯醢之豆間必所為祭者謙敬示有所先也啐嘗也嘗

之者成主人意建猶扱也興起也奠停也賓即筵坐而祭醴南面坐也啐醴則西階北面之位奠觶遂拜亦

於西階遂拜者因事曰遂坐奠  
觶不起而遂拜也扱初洽反賓即筵奠于薦左降筵

北面坐取脯主人辭薦左籩豆之東降下也自取脯者

辭其親徹即筵奠于薦左賓降授人脯出主人送于  
南面奠之因祭酒之面也

門外再拜人謂使者從者授於階下西面然後出去

右一使無行納采問名二禮及禮使者之儀

納吉用鴈如納采禮歸卜於廟得吉兆復使使者往告

揖讓升階致命授鴈及主人  
醴賓取脯出門之節並如之

右納吉

納徵玄纁束帛儷皮如納吉禮

徵成也使使者納幣以成昏禮用玄纁者象陰

陽備也束帛十端也周禮曰凡嫁子娶妻入幣純帛無

過五兩儷兩也執束帛以致命兩皮為庭實皮鹿皮今

文纁皆作熏疏云此納徵無鴈者以有束帛為贄故

也周禮純帛緇帛也是庶人用緇無纁士大夫乃以玄

纁束帛天子加以穀圭諸侯加以大璋雜記云納幣一

束束五兩兩五尋然則每端二丈玄纁束帛者合言之

陽奇陰偶三玄二纁也鄭註周禮以純為緇故疏以緇

為庶人之禮陳氏祥道云蘇秦傳錦繡千純裴駟註曰

純端名則周禮所云純帛者匹帛也鄭改純為緇

誤矣庶人亦用玄纁但不必五兩耳純側其反

### 右納徵

請期用鴈主人辭賓許告期如納徵禮

主人辭者陽倡陰和期日宜由



夫家來也夫家必先卜之得吉日乃使使者  
往辭即告之  
遞言三禮同節皆如納采

### 右請期

期初昏陳三鼎于寢門外東方北面北上其實特豚合

升去蹄舉肺脊二祭肺二魚十有四腊一肫髀不升皆

飪設局鼎

期取妻之日鼎三者升豚魚腊也寢壻之室也北面鄉內也特猶一也合升合左右髀升

於鼎也去蹄蹄甲不用也舉肺脊者食時所先舉也肺

者氣之主也

周人尚焉脊者體之正也食時則祭之飯

必舉之貴之也每皆二者夫婦各一耳凡魚之正十五

而鼎減一為十四者欲其敵偶也腊兔腊也肫或作純

全也凡腊用全髀不升者近竅賤也飪熟也局所以扛

鼎覆之古文純為鈞

髀為髀今文局作鉉鼎皆作密

此下言親迎之禮先陳同牢之饌乃乘車往迎婦至成禮共三節舉肺脊食時所祭之肺與脊也祭肺則未食時祭之疏云祭時二肺俱有生人唯有舉肺皆祭今此得有祭肺者郊特牲論娶婦玄冕齋戒鬼神陰陽也故與祭祀同二肺也魚十有四夫婦各七固取敵偶亦合公食大夫一命七魚之數凡他禮牲體用一胖腊則左右體脅相配為一故得全名唯大斂士虞皆用左脾不全反吉故也去起呂反肫音純解步米反飪而甚反竅苦弔設洗于阼階東南洗所以承盥洗之器棄水者饌于房中

醯醬二豆菹醢四豆兼巾之黍稷四敦皆蓋

醯醬者以醢和醬生

人尚褻味兼巾之者六豆共巾也巾為禦塵蓋為尚溫周禮曰食齊視春時敦音對齊才計反

大羹

涪在爨

大羹涪煮肉汁也大古之羹無鹽菜爨火上周禮曰羹齊視夏時今文涪皆作汁涪去急反

尊于室中北墉下有禁玄酒在西綌冪加勺皆南枋

墉牆

也禁所以廢甔者玄酒不忘古也綌粗葛今文枋作柄

尊于房戶之東無玄酒篚

在南實四爵合甔

無玄酒者畧之也夫婦酌於內尊其餘酌於外尊合甔破甔也四爵兩甔

凡六為夫婦各三酌一升曰爵鼎陳寢門外洗設阼階東南豆敦饌於房中羹在爨內尊在室外尊在房戶東爵甔篚在外尊南此同牢饌設之次甔音謹甔白交反酌以仞反

右將親迎預陳饌

主人爵弁纁裳緇施從者畢玄端乘墨車從車二乘執

燭前馬

主人壻也壻為婦主爵弁而纁裳玄冕之次大夫以上親迎冕服冕服迎者鬼神之神之者

所以重之親之纁裳者衣緇衣不言衣與帶而言施者  
空其文明其與施俱用緇施謂緣施之言施以緇緣裳  
象陽氣下施從者有司也乘貳車從行者也畢猶皆也  
墨車漆車士而乘墨車攝盛也執燭前馬使從役持炬  
火居前炤道主人壻也下文女父稱主人男稱壻此  
未至女家仍據男家而言故云主人一命大夫冕而無  
旒士變冕為爵弁故云冕之次士助祭於公用之是士  
服之盛者大夫以上親迎則皆冕服矣疏以為五等諸  
侯亦不過玄冕天子親迎當衮冕或然也大夫乘墨車  
士乘棧車今親迎乘大夫之車故云攝盛案巾車註云  
棧車不革鞅而漆之則士之棧車亦漆但無婦車亦如  
革鞅為異施以豉反從才用反迎魚正反婦車亦如  
之有襜亦如之者車同等士妻之車夫家共之大夫以  
上嫁女則自以車送之襜車裳幃周禮謂之容  
車有容則固有蓋如之者亦墨至於門外婦家大主  
車及從車執燭等也如之者亦墨至於門外婦家大主

人筵于户西西上右几

主人女父也筵為神布席

女次純衣纁衽立

于房中南面

次首飾也今時髮也周禮追師掌為副編次純衣絲衣女從者畢衿玄則此衣亦玄

矣衽亦緣也衽之言任也以纁緣其衣象陰氣上任也凡婦人不常施衽之衣盛昏禮為此服喪大記曰復衣

不以衽明非常

疏云不言裳者以婦人之服不殊裳周禮追師註云副之言覆所以覆首為之飾其遺象若

今步搖編編列髮為之若今假紒次次第髮長短為之

所謂髮髻外內命婦衣鞠衣禮衣者服編衣祿者服次

其副唯於三翟祭祀服之士服爵弁助祭之服以迎則

士之妻亦服祿衣助祭之服也又云此純衣即祿衣是

士妻助祭之服尋常不用纁為衽今用之故

云盛昏禮為此服衽如占反髮皮義反

姆纁笄宵

衣在其右

姆婦人年五十無子出而不復嫁能以婦道教人者若今時乳母纁緇髮笄今時簪也纁

亦廣充幅長六尺宵讀為詩素衣朱綃之綃魯詩以綃為綺屬也姆亦玄衣以綃為領因以為名且相別耳姆

在女右當詔以婦禮女從者畢袵玄纁笄被頰黼在其

姆亡候反綃音消

女從者謂姪娣也詩諸娣從之祁祁如雲袵同也同

後

玄者上下皆玄也頰禪也詩云素衣朱襮爾雅云黼

領謂之襮周禮曰白與黑謂之黼天子諸侯后夫人狄

衣卿大夫之妻刺黼以為領如今偃領矣士妻始嫁施

禪黼於領上假盛飾耳言被明非常服陳氏云袵設

飾也說文曰襮蒜也泉屬頰與聚蒜通袵玄設飾以玄

也頰黼以泉為領而刺黼也被皮義主人玄端迎于

反頰苦迴反黼音甫襮音博刺七亦反

門外西面再拜賓東面答拜主人揖入賓執鴈從至

賓

于廟門揖入三揖至于階三讓主人升西面賓升北面

奠鴈再拜稽首降出婦從降自西階主人不降送奠鴈

拜主人不答明主為授女耳主人不降送禮不參疏

云賓升北面奠鴈再拜稽首此時當在房外當楣北面

何休公羊傳註云夏后氏逆於庭殷人逆於墀御婦車

堂周人逆於戶禮不參者禮賓主宜各一人

授綏姆辭不受墀御者親而下之綏所以引升車婦乘

以几姆加景乃驅御者代乘以几者尚安舒也景之制

塵令衣鮮明也景亦明也驅行也行車輪三周御者乃

代墀今文景作憬景與綢聚音相近義正同令力

呈墀乘其車先俟于門外墀車在大門外乘之先者道

反桑之義自此始也俟待

也門外墀家大門外

右親迎

婦至主人揖婦以入及寢門揖入升自西階媵布席于

奧夫入于室即席婦尊西南面媵御沃盥交

升自西階道婦入也

媵送也謂女從者也御當為訝訝迎也謂壻從者也媵沃壻盥於南洗御沃婦盥於北洗夫婦始接情有廉恥

媵御交道其志夫道婦入室先自即席東面婦尚在尊西南面須設饌訖乃設對席然後揖婦即坐為前後至之便故也媵即姪婦御夫家之女役南贊者徹尊幕洗在庭北洗在北堂媵以證反御音訝

舉者盥出除鼎舉鼎入陳于阼階南西面北上匕俎從

設

執匕者執俎者從鼎而入設之匕所以別出牲體也俎所以載也

北面載執而俟俎



而立俟豆先設執匕者南面別出牲體執俎匕者逆者北面承取載之于俎執之而俟豆設乃設也

退復位于門東北面西上執匕者事畢逆退由便至此乃著其位略賤也贊者

設醬于席前菹醢在其北俎入設于豆東魚次腊特于

俎北豆東菹醢之東魚次者又在俎東也贊設黍于

醬東稷在其東設湑于醬南饌要方也二豆並列醬北二敦直列醬東此為夫

設下對設二豆二敦則為婦三俎夫婦共之設對醬于東對醬婦醬也菹醢

在其南北上設黍于腊北其西稷設湑于醬北御布對

席贊啓會郤于敦南對敦于北啓發也今文啓作開古文郤為裕會敦之蓋

卻仰也開敦蓋各仰置敦贊告具揖婦即對筵皆坐皆

右會古外反卻去逆反

祭祭薦黍稷肺贊者西面告饌具也壻揖婦使即席薦

非舉也贊爾黍授肺脊皆食以涪醬皆祭舉食舉也

爾移

置席上便其食也皆食食黍也以用也用者謂用口啜

涪用指呬醬古文黍作稷

舉即脊與肺也呬子闔

反三飯卒食卒已也同牢示親不主贊洗爵酌醕主人

主人拜受贊戶內北面答拜醕婦亦如之皆祭

醕漱也

演也安也漱所以潔口且演安其所食醕酌內尊內  
尊尊于室中北墉下者也疏云壻拜當東面婦拜當南  
面少牢饗答拜註云在東面席者東面拜在西面席者  
南面拜故知婦拜南面若贊答婦拜亦於戶內北面也

又反

漱所

贊以肝從皆振祭嘑肝皆實于菹豆

肝肝炙也飲酒宜有

肴以安之

從猶

卒爵皆拜

婦拜見上篇見母章此篇婦見奠菜一章及內則女

拜尚

贊答拜受爵再醕如初無從三醕用卷亦如之

無亦

從也

如初者如自贊洗爵以下至答拜受爵但無從為異無從不以肝從也三醕則並如再醕之無從醕爵

不襲贊受爵即返之於篚別取爵再醕三醕則用卷也

贊洗爵酌于戶外尊入戶

西北面奠爵拜皆答拜坐祭卒爵拜皆答拜興

贊酌者自酢也

主人出婦復位

復尊西南面之位

乃徹于房中如設于室尊否

徹室中之饌設于房中為媵御餞之徹尊不設有外尊也

主人說服于房媵受婦說

服于室御受姆授巾

巾所以自潔清今文說作稅說吐活反

御衽于奧媵

衽良席在東皆有枕北止

衽卧席也婦人稱夫曰良孟

也古文止作趾

設衽曰衽猶置尊曰尊布筵曰筵也

上文媵受主人服

御受婦服此御衽婦席媵衽夫席皆

與媵御沃

主人入親說婦之纓

入者從房還入室也婦人十五許嫁笄而禮之

因著纓明有繫也蓋以

燭出

昏禮畢將卧息

媵餽主人之餘御

五采為之其制未聞

餽婦餘贊酌外尊醕之

外尊房戶外尊媵侍于戶外呼則聞

為尊者有所徵求今文侍作待

右婦至成禮

夙興婦沐浴纚笄宵衣以俟見

夙早也昏明日之晨興起也俟待也待見於舅

姑寢門之外古者命士以上年十五父子異宮此下言昏之明日婦見舅姑贊者於舅姑堂上醴婦婦饋舅

此下

姑於室舅姑饗婦舅姑饗婦家送者凡五節

質明贊見婦于舅姑席于阼舅

即席席于房外南面姑即席

質平也房外房戶外西古文舅皆作咎婦執

筭棗栗自門入升自西階進拜奠于席

筭竹器而衣者其形蓋如今之

筭筭簋矣進拜者進東面乃拜奠之者舅尊不敢授也舅立阼階上西面婦自西階進至舅前東面拜拜已

坐奠棗栗于舅席

筭音

舅坐撫之興答拜婦還又拜

煩衣於既反筭羌居反

還又拜者還於先拜處拜婦人與丈夫為禮則俠拜撫撫棗栗筭也撫之者示受也

降階受筭

殿脩升進北面拜奠于席姑坐舉以興拜授人

人有司姑執筭

以起答婦拜授有司徹之舅則宰徹之

婦見舅訖復自西階降受殿脩以見姑

殿丁亂反

### 右婦見舅姑

贊醴婦

醴當為禮贊禮婦者以其婦道新成親厚之

席

疏云案司儀註上於下曰禮敵者曰儗

于戶牖間

室戶西牖東南面位

側尊甒醴于房中婦疑立于席西

疑正立自定之貌疑魚乙反

贊者酌醴加枲面枋出房席前北面婦

東面拜受贊西階上北面拜送婦又拜薦脯醢

婦東面拜贊北

面答之變于丈夫始冠成人之禮

婦升席左執觶右祭脯醢以枲祭醴

三降席東面坐啐醴建柶興拜贊答拜婦又拜奠于薦  
東北面坐取脯降出授人于門外奠于薦東升席奠之  
取脯降出授人親徹  
且榮得禮人謂婦氏人祭醴南面  
啐醴東面奠觶又南面取脯則北面

### 右贊者醴婦

舅姑入于室婦盥饋

饋者婦道既成成以孝養

特豚合升側載無魚

腊無稷竝南上其他如取女禮

側載者右胖載之舅俎左胖載之姑俎異尊卑

竝南上者舅姑共席于奧其饌各以南為上其他謂醬  
涪菹醢女謂婦也如取婦禮同牢時竝當作併自側

載以下南上以上皆與取女同牢之婦贊成祭卒食一  
禮異至醬涪菹醢酒尊等則與之同

金 卷二  
醕無從

贊成祭者授處之今文無成也  
贊祭者品授之又處置之也

席于北墉下室中

北牆下

疏曰此席將為婦餞之位處也

婦徹設席前如初西上婦餞舅辭

易醬

婦餞者即席將餞也  
辭易醬者嫌滓汙

婦餞姑之饌御贊祭豆黍肺

舉肺脊乃食卒姑醕之婦拜受姑拜送坐祭卒爵姑受

奠之

奠于篚  
舅姑之饌並設  
席前婦所餞則姑之饌

婦徹于房中媵御餞姑

醕之雖無娣媵先於是與始飯之錯

古者嫁女必娣姪從之謂之媵姪兄

之子娣女弟也娣尊姪卑若或無娣猶先媵客之也始飯謂舅姑錯者媵餞舅餘御餞姑餘也古文始為姑媵御餞于房姑亦醕之其醕之次先媵而後御娣姪具者媵固先雖無娣而以姪為媵媵猶先也媵從婦而餞



舅餘御從夫而餞姑餘是與舅  
姑始飯夫婦之位相交錯也

### 右婦饋舅姑

舅姑共饗婦以一獻之禮舅洗于南洗姑洗于北洗奠

酬以酒食勞人曰饗南洗在庭北洗在北堂設兩洗者  
獻酬酢以潔清為敬奠酬者明正禮成不復舉凡酬

酒皆奠于薦左不舉其燕則更使人舉爵疏云此饗

婦之事與上盥饋同日為之昏義云舅姑入室婦以特

豚饋明婦順也厥明舅姑共饗婦鄭彼註云容大夫以

上禮多或異日故知此士同日可也此與上事相因亦

於舅姑寢堂之上與禮婦同在客位也又云案下記饗

婦節註云舅姑共饗婦舅獻姑薦脯醢但薦脯醢無盥

洗之事今云姑洗於北洗洗者洗爵則是舅獻姑酬共

成一獻仍無妨姑薦脯醢也愚案註其燕則更使人舉

爵者汎言他經正獻後更舉爵行酬之事非此經所有

舅姑先降自西階婦降自

阼階

授之室使為主明代已

疏云曲禮云子事父母

授婦以室之事也

歸婦俎于婦氏人

言俎則饗禮有牲矣婦氏人丈夫送

婦者使有司歸以婦俎當以反命於女之父母明其得禮

### 右舅姑饗婦

舅饗送者以一獻之禮酬以束錦

送者女家有司也爵至酬賓又從之以束

錦所以相厚古文錦皆作帛

疏云尊

姑饗婦人送者

酬以束錦

婦人送者隸子弟之妻妾凡饗速之疏云凡速者皆就館速之

若異邦則

贈大夫送者以束錦

贈送也就賓館既於饗酬之又就館贈之也

### 右饗送者

若舅姑既沒則婦入三月乃奠菜

沒終也奠菜者以簋祭菜也蓋用董此

下言舅姑既沒者之禮三月婦道既成乃廟見因禮婦饗從者疏云若舅沒姑存則當時見姑三月廟見舅若舅存姑沒無廟可見或更有繼室自然如常禮也席于廟與東面右几席于北

方南面

廟考妣之廟北方墉下于北方者姑席也舅姑別席異面象生時婦見

席于與者舅席也席

之禮與常祭同几者不同也

祝盥婦盥于門外婦執筭菜祝帥婦以

入祝告稱婦之姓曰某氏來婦敢奠嘉菜于皇舅某子

帥道也入入室也某氏者齊女則曰姜氏魯女則曰姬氏來婦言來為婦嘉美也皇君也疏云盥于門外此

亦異于常祭云某子者言若張子李子也顧炎武云婦人內夫家無稱其舅為張子李子者某子云者或謚或

字之稱愚謂疏之意或以婦新入門稱姓以告故亦以姓稱其舅與婦拜扱地坐奠菜于

几東席上還又拜如初扱地手至地也婦人扱地猶男子

正今云扱地則婦人之重拜也男子稽首亦拜中之重故以相況也愚按此席上在與之席又拜如初又扱地

也扱婦降堂取筭菜入祝曰某氏來婦敢告于皇姑

某氏奠菜于席如初禮降堂階上也室事交乎戶今降堂者敬也於姑言敢告舅尊於

姑也此奠北坐之前以見婦出祝闔牖戶凡廟無事則閉之老

姑也室事交乎戶禮器文婦出祝闔牖戶則閉之老

醴婦于房中南面如舅姑醴婦之禮

因於廟見禮之亦象舅姑生時因

婦來見遂禮之也房中廟之房中嘗疑此老與前贊者並是男子乃使與新婦為禮在前聖必自有說非末學所可臆壻饗婦送者丈夫婦人如舅姑饗禮度矣

右舅姑沒婦廟見及饗婦饗送者之禮

記

士昏禮凡行事必用昏昕受諸禰廟辭無不腆無辱

昕用

使者用昏壻也壻悉計反從士從胥俗作婿女之夫腆善也賓不稱幣不善主人不謝來辱昕朝旦也壻用昏親迎時也使用昕納采問名納吉納徵請期使向女家時也受諸禰廟男家禮至並於禰廟受之也辭無

不腆者郊特牲云告之以直信信事人也信  
婦德也註云此二者所以教婦正直信也  
摯不用死

皮帛必可制摯鴈也皮帛儷皮束帛也  
摯鴈也皮帛儷皮束帛也  
腊必用鮮

魚用鮒必殽全殽全者不餒敗不剥傷  
體肉完好也此並據同牢時所用  
鮒鮒全指魚其

音附餒  
奴罪反

### 右記昏禮時地辭命用物

女子許嫁笄而醴之稱字許嫁已受納徵禮也笄女之  
禮猶冠男也使主婦女賓執

其禮疏云笄女許嫁者用醴  
禮之未許嫁者當用酒醴之  
祖廟未毀教于公宮三

月若祖廟已毀則教于宗室  
祖廟女高祖為君者之廟  
也以有總麻之親就尊者

之宮教以婦德婦言婦容婦功宗室大宗之家此謂諸侯同族之女將嫁之前教成之法其與諸侯共高祖者是總麻之親教之於公宮其共曾祖共祖共禰廟者皆教於公宮可知也若與君絕服者則於大宗之家教之大宗之家謂別子之世適長子族人所宗事者也

### 記笄女教女之事

問名主人受鴈還西面對賓受命乃降

受鴈于兩楹間南面還于阼階

上對賓以女名

### 記問名對賓之節

祭醴始扱一祭又扱再祭賓右取脯左奉之乃歸執以

反命

反命謂使者問名納吉納徵請期還報于壻父凡祭醴之法皆如此其記於此者以問名諸禮皆

醴賓  
故也

# 記祭醴法

納徵執皮攝之內文兼執足左首隨入西上參分庭一

在南

攝猶辟也兼執足者左手執前兩足右手執後兩足左首象生曲禮曰執禽者左首隨入為門中阨

狹西上中庭位併

納徵之禮賓執束帛入別有二人

執皮以為庭實其執之法褻攝之使文在內兩手兼

執其四足首向左二人相隨入門至庭則併立

以西為上三分庭之一而在其南

阨於賣反

賓致命

釋外足見文主人受幣士受皮者自東出于後自左受



遂坐攝皮逆退適東壁

賓致命主人受幣庭實所用為節士謂若中士下士不命者以

主人為官長自由也

賓堂上致命時執皮者庭中釋

皮外足見文主人堂上受命時主人屬吏受皮者自東方出執皮者之後至其左北面受之故註云賓致命主人受幣庭實所用為節也既受皮遂坐攝之復使內文逆退適東壁者初二人相隨自東而西及退反東壁則後者在前也

### 記納徵禮庭實之節

父醴女而俟迎者母南面于房外

女既次純衣父醴之于房中南面蓋母薦

焉重昏禮也女奠爵于薦東立于位而俟壻壻至父出使嬪者請事母出南面房外示親授壻且當戒女也

女出于母左父西面戒之必有正焉若衣若笄母戒諸

西階上不降

必有正焉者以託戒之使不忘母在房戶西南面女出房至母左時父阼階上西

面戒之母送女至西階上乃戒之也父母不降送庶母及門內申父母之命

記父母授女

婦乘以几從者二人坐持几相對

持几者重慎之疏云王后則履石大夫

諸侯亦應有物履之但無文今人猶用臺

記婦升車法

婦入寢門贊者徹尊罍酌玄酒三屬于尊棄餘水于堂

下階間加勺

屬注也玄酒泔水貴新昏禮又貴新故事至乃取之三注于尊中屬音燭泔舒銳

睡反音

# 記注玄酒之節

筭緇被纁裏加于橋舅答拜宰徹筭

被表也筭有衣者婦見舅姑以飾為

敬橋所以底筭其制未聞  
今文橋為鎬 筭音煩

# 記筭飾及受筭之節

婦席薦饌于房

醴婦饗婦之席薦也

饗婦姑薦焉

舅姑共饗婦舅獻爵姑薦脯醢

婦洗在北堂直室東隅篚在東北面盥

洗在北堂所謂北洗北堂房中

半以北洗南北直室東隅東西直房戶與隅間饗婦時姑洗于北洗疏云房與室相連謂之房無北壁故得

北堂婦酢舅更爵自薦

更爵男女不相因也卒爵更爵酢舅自薦脯醢不以

婦得獻

人贊也

不敢辭洗舅降則辟于房不敢拜洗

不敢與尊者為禮辭洗

拜洗賓主敵者之禮婦於舅則凡婦人相饗無降

姑饗婦人

送者于房無降者以北洗篚在上

疏云言凡者欲見舅姑共饗婦及姑饗婦人送者皆然

### 記醴婦饗婦饌具儀節

婦入三月然後祭行

入夫之室三月之後於祭乃行謂助祭也

### 記婦助祭之期

庶婦則使人醺之婦不饋

庶婦庶子之婦也使人醺之不饗也酒不酬酢曰醺亦有

脯醢適婦酌之以醴尊之庶婦酌之以酒卑之其儀則同不饋者共養統於適也亦昏之明日婦見舅姑時因使人醢之於房外之西如醴婦之儀婦不饋則舅姑亦不饗也

### 記庶婦禮之不同於適婦者

昏辭曰吾子有惠貺室某也

昏辭擯者請事告之辭吾子謂女父也稱有惠明下

達貺賜也室猶妻也某壻名

此下皆記昏禮中辭命

某有先人之禮使某也請

納采

某壻父名也某也使名也

對曰某之子蠢愚又弗能教吾子命

之某不敢辭

對曰者擯出納賓之辭某女父名也吾子謂使者古文弗為不無能字蠢失容反

致命曰敢納采

當與擯出納賓之辭不異

納采之辭

問名曰某既受命將加諸卜敢請女為誰氏

某使者名也誰氏者

謙也不必其主人之女疏以為使者升堂致命之辭愚意告擯者之辭當亦不異

對曰吾子有

命且以備數而擇之某不敢辭

卒曰某氏不記之者明為主人之女案前記

問名節註云還于阼階上對賓以女名

問名之辭

醴曰子為事故至於某之室某有先人之禮請醴從者

言從者謙不敢斥也今文於為于

對曰某既得將事矣敢辭

將行先人之

禮敢固以請

主人辭固如故

某辭不得命敢不從也

賓辭也不得命者不

得許已之命

### 醴賓之辭

納吉曰吾子有貺命某加諸卜占曰吉使某也敢告

貺賜

也賜命謂許以女名也某壻父名疏於貺字截句

對曰某之子不教唯恐弗堪

子有吉我與在某不敢辭

與猶兼也古文與為豫子既得吉我無在吉中榮幸之

言也與音預

### 納吉之辭

納徵曰吾子有嘉命貺室某也某有先人之禮儷皮束帛使某也請納徵致命曰某敢納徵對曰吾子順先典貺某重禮某不敢辭敢不承命

典常也法也

納徵之辭

請期曰吾子有賜命某既申受命矣惟是三族之不虞

使某也請吉日

三族謂父昆弟已昆弟子昆弟虞度也不億度謂卒有死喪此三族者已及子

皆為服期期服則踰年欲及今之吉也雜記曰大功之末可以冠子嫁子皆賓與主人面相往復之辭申受命者自納采以來每度受命也億於力反卒七忽反

對曰某既前受命矣唯命



是聽

前受命者申前事也 主人以期當自壻家來故辭之

曰某命某聽命于吾

子

曰某壻父名也 使者再請

對曰某固惟命是聽使者曰某使某

受命吾子不許某敢不告期曰某日

某吉日之甲乙 使者來時本受吉

期於壻父初執謙請之此乃因其固辭而告之也

對曰某敢不敬須

須待也

請期之辭

凡使者歸反命曰某既得將事矣敢以禮告

告禮所執 脯凡者

五禮使者皆然

主人曰聞命矣

使者反命之辭

父醺子

子婿也醺之於寢其儀當如冠子

父為子將迎婦以酒命之辭曰往迎

命之辭曰往迎

爾相承我宗事

相助也宗事宗廟

相息亮反

勗帥以敬先妣之嗣

若則有常

勗勉也若猶女也勗帥婦道以敬其為先妣之嗣女之行則當有常深戒之詩云太姒嗣

徽音

謂婦為相以其為夫之助也註以勗帥以敬八字為句愚謂當四字為句事嗣叶相常首尾叶若曰今

往迎爾相以承我宗事當勉帥以敬使其惟先妣是嗣

女之敬必有常不可敬始而怠終也末句申勸之勗

許玉反

子曰諾唯恐弗堪不敢忘命

父醺子辭

賓至擯者請對曰吾子命某以茲初昏使某將請承命

賓壻也命某某壻父名茲此也將行也使某行昏禮來迎對曰某固敬具以須

### 親迎至門告擯者辭

父送女命之曰戒之敬之夙夜毋違命

夙早也早起夜卧命舅姑之教

命古文毋為無即前記云父西面戒之必有正焉之辭

母施衿結帨曰勉之敬之

夙夜無違宮事

帨佩巾

即前記云母戒諸西階上之辭衿衣小帶一云衣領宮事姑命婦之

事衿其鵠反悅舒銳反

庶母及門內施鞶申之以父母之命命之

曰敬恭聽宗爾父母之言夙夜無愆視諸衿鞶

庶母父之妾也

鞶鞶囊也男鞶革女鞶絲所以盛帨巾之屬為謹敬申重也宗尊也愆過也諸之也示之以衿鞶皆託戒使識

之也不示之以衣笄者尊者之戒不嫌忘之視乃正字  
今文作示俗誤行之 鞶大帶其訓囊者從糸不從革  
視諸衿鞶者教以見衿鞶即  
憶父母之言也 鞶步干反

父母送女戒命之辭

壻授綏姆辭曰未教不足與為禮也

此節監本脫據石經及吳本補入

或當有鄭註而今逸之矣姆教人者

姆辭壻授綏之辭

宗子無父母命之親皆沒已躬命之

宗子者適長子也命之命使者母命

之在春秋紀裂繻來逆女是也躬猶親也親命之則宋公使公孫壽來納幣是也言宗子無父是有有父者禮

七十老而傳八十齋喪之事不及若是者子代其父為宗子其取也父命之 此因請期以上五禮皆命使者

行之故言使命所出必自其父若無父者則母命之母命之者亦但命子之父兄師友使之命使不得稱母命

以通使也親者沒不得已乃親命之所以養庶遠恥也註引紀裂繻逆女事見春秋隱二年公羊傳公孫壽事

見成八年其昏禮不稱主人母命不得通使之義並見彼傳及何休註 支子則稱其宗 支子

庶昆弟也稱其弟則稱其兄 弟宗子母弟 宗子命使者 亦謂無父者

### 記使命所自出

若不親迎則婦入三月然後壻見曰某以得為外昏姻

請覲

女氏稱昏壻氏稱姻覲見也 此下記不親迎者婦入三月壻見婦父母之辭命儀節宣周公制禮

因其舊俗而為之節文與自此至不敢不從並  
是壻在婦家大門外與擯者請對傳致之辭主人對曰

某以得為外昏姻之數某之子未得濯漑於祭祀是以

未敢見今吾子辱請吾子之就宮某將走見  
主人女父也以白造

緇曰辱  
擯傳主人之言未得濯漑於祭祀謂三對曰  
月以前婦未與祭也辱謂來至門是自屈辱也

某以非他故不足以辱命請終賜見  
非他故彌親之辭命謂將走見之言

今文無終賜  
非他故謂以非他人之故而來對曰某  
見疏云是為壻而來見又似他故二字連讀

以得為昏姻之故不敢固辭敢不從  
不言外亦彌親之辭唐石經作某

得以為昏  
主人出門左西面壻入門東面奠摯再拜出

出門出內門入門入大門出內門不出大門者異於賓客也壻見於寢奠摯者壻有子道不敢授也摯雉也

摯者以摯出請受欲使以賓客禮相見壻禮辭許受摯入主人再

拜受壻再拜送出出已見女父疏云擬出更與主婦相見也愚謂壻出更以請見主婦告

摯者乃見主婦主婦闔扉立于其內主婦主人之婦也見主婦者兄弟之

道宜相親也闔扉者婦人無外事扉左扉扉即主人所出之內門扉也註兄弟之道謂昏姻家為兄弟扉

音壻立于門外東面主婦一拜壻答再拜主婦又拜壻

出必先一拜者婦人主人請醴及揖讓入醴以一獻之

禮主婦薦奠酬無幣及與也無幣異於賓客醴疑壻當作禮若用醴則無酢酬俟質壻

出主人送再拜

不親迎者見婦父母之禮

儀禮鄭註句讀卷二